



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba  
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: UP-KSI-09-31/23

Datum: 09.11.2023. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u postupku utvrđivanja povrede odredaba Zakona o sprečavanju sukoba interesa u institucijama Brčko distrikta BiH, od strane nosioca javne funkcije V. J. iz Brčkog, ██████ br. █████, Brčko, člana Pravosudne Komisije Brčko distrikt BiH iz reda građana, na 71. sjednici održanoj dana 09.11.2023. godine, donosi

### RJEŠENJE

1. **UTVRĐUJE SE** da je V. J. iz Brčkog, ██████ br. █████, Brčko distrikt BiH, za vrijeme obavljanja javne funkcije, člana Pravosudne Komisije Brčko distrikt BiH iz reda građana, postupio protivno članu 13. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način da je u vrijeme obavljanja javne funkcije obavljao i poslove lica ovlaštenog za zastupanje, potpredsjednika ██████ Brčko distrikta BiH, osnovanom u skladu sa Zakonom o udruženjima i fondacijama Brčko distrikta BiH, a koje se finansiralo tokom 2021. godine iz Budžeta Brčko distrikta BiH, u iznosu većem od 10.000,00 KM na godišnjem nivou.
2. **UTVRĐUJE SE** da je V. J. iz Brčkog, kao nosilac javne funkcije, postupio protivno članu 7. stav (1) tačka a) i stav (2) Zakona o sprečavanju sukoba interesa u institucijama Brčko distrikta Bosne i Hercegovine, na način da je u vrijeme obavljanja javne funkcije člana Pravosudne Komisije Brčko distrikta BiH iz reda građana, istovremeno i lice ovlašteno za zastupanje u privatnom preduzeću „█████“ d.o.o Brčko, kojem su vlasti Brčko distrikta BiH davale podsticaje i olakšice u iznosu većem od 10.000, 00 KM, na godišnjem nivou, tokom 2020., 2021. i 2022. godine, te da nije podnio ostavku na svaku od nespojivih, odnosno nedopuštenih funkcija u roku od 3 dana od dana preuzimanja javne funkcije.
3. **POZIVA SE** V. J., nosilac javne funkcije da u roku od 15 dana od dana prijema ovog Rješenja otkloni uzroke koji su ga doveli do povrede odredaba člana 7. i člana 13. Zakona o sprečavanju sukoba interesa u institucijama Brčko distrikta Bosne i Hercegovine, te da o tome Komisiji za odlučivanje o sukobu interesa bez odlaganja dostavi dokaze, u suprotnom Komisija će nadležnom organu za izbor i imenovanje odnosno Skupštini Brčko distrikta BiH uputiti prijedlog za razrješenje s dužnosti nosioca javne funkcije shodno članu 41. Zakona o sprečavanju sukoba interesa u institucijama Brčko distrikta Bosne i Hercegovine.
4. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, pod tačkom 1. i tačkom 2. ovog rješenja, V. J., nosiocu javne funkcije se shodno članu 39. Zakona izriče novčana kazna, i to obustavom dijela isplate mjesečne naknade po oporezivanju, koju nosilac javne funkcije prima za obavljanje javne funkcije u ukupnom iznosu od 40% neto naknade.

## Objasnenje

Uvidom u Registar javne funkcije i nosilaca javne funkcije Komisije za odlučivanje o sukobi interesa, utvrđeno je da pozicija člana Pravosudne Komisije Brčko distrikt BiH iz reda građana, a koju obavlja V. J., na osnovu Odluke Skupštine Brčko distrikta BiH o imenovanju tri člana Pravosudne Komisije Brčko distrikt BiH iz reda građana broj: [REDAKCIJA] od 28.10.2021. godine, je javna funkcija shodno članu 2. Zakona o sprečavanju sukoba interesa u institucijama Brčko distrikta BiH, te je obavezan kao nosilac javne funkcije postupati u skladu sa odredbama navedenog Zakona.

Komisija za odlučivanje o sukobu interesa po službenoj dužnosti, Zaključkom broj: UP-I-KSI-09-31/23 od 20.07.2023. godine, pokrenula je postupak za utvrđivanje povreda odredaba Zakona o sprečavanju sukoba interesa u institucijama Brčko distrikta BiH protiv nosioca javne funkcije V. J. iz Brčkog, [REDAKCIJA] br. [REDAKCIJA], Brčko distrikt BiH, kao člana Pravosudne Komisije Brčko distrikt BiH iz reda građana, po dva osnova i to:

radi sumnje da u vrijeme obavljanja javne funkcije obavlja i poslove lica ovlaštenog za zastupanje, potpredsjednika [REDAKCIJA] Brčko distrikta BiH udruženja, osnovanog u skladu sa Zakonom o udruženjima i fondacijama Brčko distrikta BiH, a koje se finansira iz Budžeta Brčko distrikta BiH, u iznosu većem od 10.000,00 KM na godišnjem nivou, čime je postupio protivno odredbama člana 13. Zakona o sprečavanju sukoba interesa u institucijama Brčko distrikta Bosne i Hercegovine;

radi sumnje da je kao nosilac javne funkcije istovremeno i lice ovlašteno za zastupanje u privatnom preduzeću, „[REDAKCIJA]“ d.o.o. Brčko, [REDAKCIJA], kojem su vlasti u BiH davale podsticaje i olakšice u iznosu većem od 10.000,00 KM na godišnjem nivou, u periodu od 4 godine prije stupanja na dužnost nosioca javne funkcije kao i za vrijeme obavljanja javne funkcije, te da nije podnio ostavku na svaku od nespojivih, odnosno nedopuštenih funkcija u roku od 3 dana od dana preuzimanja javne funkcije, čime je postupio protivno odredbama člana 7. stav (1) tačka a) i stav (2) Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema zaključka.

Nakon prijema zaključka o pokretanju postupka, broj: UP-I-KSI-09-31/23 od 20.07.2023. godine V. J. u zakonskom roku, dana 30.08.2023. godine dostavio je Komisiji za odlučivanje o sukobu interesa pisano Izjašnjenje u kojem, navodi da je [REDAKCIJA] Brčko distrikta BiH institucija Brčko distrikta BiH koja je osnovana na osnovu Zakona o privrednoj komori, a ne na osnovu Zakona o udruženjima i fondacijama Brčko distrikta BiH, kako je to navedeno u zaključku, te da se finansira isključivo iz članarina i usluga koje pruža poslovnoj zajednici i svojim članovima, a ne Budžeta Brčko distrikta BiH, dok iz Budžeta Brčko distrikta BiH [REDAKCIJA] dobija grantove ili donacije, radi realizacije ciljeva poslovne zajednice Brčko distrikta BiH. Također, navodi da osobe koje rukovode [REDAKCIJA] ne primaju naknadu niti nagradu, nego svoj rad kroz volontiranje daruju kao društveno korisnu aktivnost koristeći svoja znanja na korist šire društvene zajednice i da nije moguće dati ostavku na mjesto predsjednika [REDAKCIJA] Brčko distrikta BiH, a da se time ne naruši nacionalni balans u rukovodstvu, te da prilikom izbora na mjesto predsjednika/potpredsjednika [REDAKCIJA] Brčko distrikta BiH nisu bile poznate sve činjenice vezano za postupanje Komisije za odlučivanje o sukobu interesa, a naročito ne način kako će biti tumačene pojedine odredbe zakona, te da u tom smislu, u širem posmatranju, smatra da ne postoji sukob interesa V. J., kao potpredsjednika [REDAKCIJA] Brčko distrikta BiH kao ni same [REDAKCIJA] i V. J. člana Pravosudne komisije Brčko distrikta BiH. Dalje navodi da je Komisija potpuno tačno utvrdila činjenice pod tačkom 2. pokrenutog Zaključka, da je V. J. lice ovlašteno za zastupanje u privatnom preduzeću, „[REDAKCIJA]“ d.o.o. Brčko, [REDAKCIJA], međutim, radi smrti vlasnika društva i provođenja ostavinskog postupka nije moguće izvršiti razrješenje do okončanja ostavinskog postupka, kada se stvore uslovi za razrješenje, bez da nastane šteta za poslovanje, to će biti učinjeno bez obzira, da li se radilo o Pravosudnoj komisiji Brčko distrikta BiH ili preduzeću „[REDAKCIJA]“ d.o.o. Brčko, te da su iznosi, koji su navedeni u zaključku Komisije, iznosi podsticaja u poljoprivrednoj proizvodnji koje je preduzeće primilo iz Budžeta u skladu sa Zakonom o podsticajima u poljoprivredi Brčko distrikta BiH i da pozicija nosioca javne funkcije nije mogla uticati na zakonu utvrđena prava, koja su dostupna svima pod jednakim uslovima. S tim u vezi,

V. J. navodi da je svjestan posljedica svog postupanja i da je spreman učestvovati u postupku koji slijedi, nadajući se da će se cijeniti navedeni argumenti.

Članom 23. stav (4) Zakona o sprečavanju sukoba interesa u institucijama Brčko distrikta Bosne i Hercegovine propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima.

Prilikom redovne provjere tačnosti i potpunosti podataka iz Izvještaja o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja, a upoređivanjem sa dostavljenim podacima od nadležnih institucija i to; sadržajem Aktuelnog izvoda iz sudskog registra Osnovnog suda Brčko distrikta BiH, broj: [REDAKCIJA] od 29.11.2022. godine, Rješenja o registraciji broj: [REDAKCIJA] od 27.12.2022. godine, te Rješenja o registraciji broj: [REDAKCIJA] od 23.05.2023. godine proizilazi da je V. J., kao nosilac javne funkcije istovremeno obavljao i funkciju lica ovlaštenog za zastupanje bez ograničenja odnosno potpredsjednika [REDAKCIJA] Brčko distrikta BiH, a Odlukom o rotaciji predsjednika i dva potpredsjednika [REDAKCIJA] Brčko od 11.05.2023. godine, funkciju predsjednika [REDAKCIJA] Brčko distrikta BiH, udruženja osnovanog u skladu sa Zakonom o udruženjima i fondacijama Brčko distrikta BiH. Iz navedenih podataka proizilazi da za vrijeme obavljanja javne funkcije člana Pravosudne komisije Brčko distrikta BiH iz reda građana, V.J. obavlja istovremeno i poslove lica ovlaštenog za zastupanje, u svojstvu potpredsjednika/predsjednika [REDAKCIJA] Brčko distrikt BiH.

Iz dopisa Direkcije za finansije Brčko distrikta BiH, broj: [REDAKCIJA] od 03.02.2023. godine i dostavljenih podataka vidljivo je da je [REDAKCIJA] Brčko distrikta BiH u toku 2021. godine, izvršena isplata iz budžeta Brčko distrikta BiH novčanih iznosa i to: 21.12.2021. godine, isplata novčanog iznosa od 10.000,00 KM i 31.12.2021. godine, isplata iznosa od 5.750,00 KM, odnosno tokom 2021. godine [REDAKCIJA] Brčko distrikta BiH isplaćen je ukupan novčani iznos od 15.750,00 KM iz Budžeta Brčko distrikta BiH. Naime, radi se o iznosu većem od 10.000,00 KM na godišnjem nivou, koji je isplaćen iz budžeta Brčko distrikta BiH [REDAKCIJA] Brčko distrikta BiH u periodu kada je V. J., kao nosilac javne funkcije u Pravosudnoj komisiji Brčko distrikta BiH istovremeno bio i lice ovlašteno za zastupanje u [REDAKCIJA] Brčko distrikta BiH.

Slijedom navoda iz izjašnjenja podnesenog od strane nosioca javne funkcije, da je [REDAKCIJA] Brčko distrikta BiH pravno lice, a ne udruženje, osim redovne provjere, Komisija za odlučivanje o sukobu interesa se dopisom broj: UP-I-KSI-09-30/23 od 09.08.2023. godine obratila Osnovnom sudu Brčko distrikta BiH i dopisom broj: UP-I-KSI-09-30/23 od 08.08.2023. godine Inspektoratu Brčko distrikta BiH za dodatne provjere.

U dopisu Osnovnog suda Brčko distrikta BiH, broj: [REDAKCIJA] od 22.08.2023. godine, navedeno je da je [REDAKCIJA] Brčko distrikta BiH upisana u sudski registar Osnovnog suda rješenjem broj: [REDAKCIJA] od 05.07.2004. godine, matični broj: [REDAKCIJA], kao udruženje građana, te da je isto upisom u registar suda steklo svojstvo pravnog lica, shodno članu 13. Zakona o udruženjima i fondacijama Brčko distrikta BiH.

U dopisu Inspektorata Brčko distrikta BiH, broj: [REDAKCIJA] od 17.08.2023. godine, sačinjenog od strane inspektora za udruženja i fondacije, navedeno je da se [REDAKCIJA] Brčko distrikta BiH, kao udruženje, nalazi pod ingerencijom inspektora za udruženja i fondacije shodno članu 108. Zakona o inspekcijama Brčko distrikta BiH.

Članom 13. Zakona o udruženjima i fondacijama Brčko distrikta BiH, propisano je da udruženja i fondacije stiču svojstvo pravnog lica upisom u registar preduzeća, a članom 1. Zakona o privrednoj komori Brčko distrikta BiH BiH („Službeni glasnik Brčko distrikta BiH“, broj: 14/03), propisano je da

je ista nezavisno, nevladino, neprofitno udruženje pravnih i fizičkih lica, koja obavljaju privredne djelatnosti u Brčko distriktu BiH, a članom 2. navedenog zakona propisano je da [REDACTED] stiče svojstvo pravnog lica registracijom u sudski registar u skladu s navedenim zakonom i Zakonom o registru preduzeća i preduzetnika Brčko distrikta BiH.

Članom 13. stav (1) Zakona o sprečavanju sukoba interesa u institucijama Brčko distrikta Bosne i Hercegovine, propisano je da za vrijeme obavljanja javne funkcije nosilac javne funkcije ne smije obavljati dužnost lica ovlaštenog za zastupanje ili člana organa upravljanja i nadzornog organa u fondaciji i udruženju osnovanom u skladu sa zakonima o udruženjima i fondacijama, a koji se finansiraju iz budžeta bilo kojeg nivoa vlasti, u iznosu većem od 10.000,00 KM godišnje.

Također, prilikom redovne provjere tačnosti i potpunosti podataka iz Izvještaja o imovinskom stanju, a upoređivanjem sa dostavljenim podacima od nadležnih institucija, odnosno sadržajem iz Aktuelnog izvoda iz sudskog registra, Osnovnog suda Brčko distrikta BiH, broj: [REDACTED] od 29.11.2022. godine, proizilazi da je V. J., kao nosilac javne funkcije istovremeno bio i lice ovlašteno za zastupanje odnosno zamjenik direktora u privatnom preduzeću, „[REDACTED]“ d.o.o. Brčko, [REDACTED].

Postupajući prema zahtjevu Komisije za odlučivanje o sukobu interesa od 03.08.2023. godine, upućenog radi dodatnih provjera uz dopis Osnovnog suda Brčko distrikta BiH, broj: [REDACTED] od 07.08.2023. godine dostavljeno je Rješenje o registraciji Osnovnog suda Brčko distrikta BiH, broj: 096-0-Reg-23-000799 od 28.07.2023. godine, iz kojeg proizilazi da je V. J., kao nosilac javne funkcije istovremeno i lice ovlašteno za zastupanje, direktor u privatnom preduzeću, „[REDACTED]“ d.o.o. Brčko, [REDACTED] upisan po prijavi predlagača, a na osnovu Ugovoru o osnivanju, Odluke o razrešenju lica ovlaštenih za zastupanje Društva i Odluke o imenovanju lica ovlaštenih za zastupanje Društva.

Komisija za odlučivanje o sukobu interesa dopisom broj: KSI-12-290/22-14 od 04.01.2023. godine i dopunom zahtjeva od 28.02.2023. godine zahtijevala podatke iz Glavne knjige Trezora o isplatama iz budžeta Brčko distrikta BiH pravnom licu „[REDACTED]“ d.o.o. Brčko [REDACTED] u periodu od 28.10.2017 do 31.12.2021. godine, te dopisom broj KSI-12-290/22 od 15.05.2023. godine tačno preciziranje svakog isplaćenog iznosa, sa punim nazivom. Iz dopisa Direkcije za finansije Brčko distrikta BiH broj: [REDACTED] od 30.01.2023. godine, od 03.03.2023. godine i od 19.05.2023. godine, o isplati novčanih iznosa pravnom licu „[REDACTED]“ d.o.o. Brčko [REDACTED], vidljivo je da su u toku 2020, 2021 i 2022. godine iz Budžeta Brčko distrikta BiH izvršene isplate, kako slijedi po godinama i to za 2020. godinu: 12.06.2020. godine novčani iznos od 73,33 KM, naknada za pomoć preduzetnicima zbog Korone; 30.06.2020. godine novčani iznos od 450,00 KM, naknada za obaveze za vrijeme porodijskog odsustva; 15.07.2020. godine novčani iznos od 2.302,05 KM ,podsticaj poljoprivrednoj proizvodnji; 15.07.2020. godine novčani iznos od 7.479,48 KM, podsticaj poljoprivrednoj proizvodnji; 19.08.2020. godine novčani iznos od 388,92 KM, naknada za pomoć preduzetnicima zbog Korone; 21.08.2020. godine, novčani iznos od 16.000,00 KM, podsticaj poljoprivrednoj proizvodnji; 13.10.2020. godine novčani iznos od 2.877,50 KM, naknada za troškove el. energije i 04.11.2020. godine, novčani iznos od 70,42 KM, naknada za pomoć preduzetnicima zbog Korone. Tokom 2021. godine je isplaćen: 14.05.2021. godine novčani iznos od 2.325,15 KM, naknada za troškove el. Energije i 19.08.2021. godine novčani iznos od 11.609,76 KM, podsticaj poljoprivrednoj proizvodnji. Tokom 2022. godine je isplaćen 25.02.2022. godine novčani iznos od 40.000,00 KM, podsticaj poljoprivrednoj proizvodnji; 16.05.2022. godine novčani iznos od 9.469,50 KM, naknada za nabavku stalnih sredstava, 03.06.2022. godine, novčani iznos od 2.578,75KM, naknada za troškove el. energije i 02.12.2022. godine, novčani iznos od 40.000,00 KM, podsticaj poljoprivrednoj proizvodnji, tako da je u toku 2020. godine iz Budžeta Brčko distrikta BiH isplaćen ukupan novčani iznos od 29.109,03 KM, u toku 2021. godine iz Budžeta Brčko distrikta BiH isplaćen ukupan novčani iznos od 13.934,91, u toku 2022. godine iz Budžeta Brčko distrikta BiH isplaćen ukupan novčani iznos od 92.048,25 KM.

Shodno odredbama Zakona o podsticaju u poljoprivrednoj proizvodnji i odredbama Zakona o podsticaju u privredu Brčko distrikta BiH, Komisija je izračunala iznose isplata, isključivo isplaćene na ime olakšica i podsticaja, a ne i druge isplaćene iznose na ime subvencija, pomoći zbog korone i slično.

Iz dostavljenih podataka, proizilazi da je privatnom preduzeću, „[REDAKCIJA]“ d.o.o. Brčko, [REDAKCIJA] iz budžeta Brčko distrikta BiH tokom 2020., 2021. i 2022. godine isplaćen znatno veći iznosi na ime podsticaja i olakšica odnosno iznosi veći od 10.000,00 KM na godišnjem nivou.

Članom 7. stav (1) Zakona o sprečavanju sukoba interesa u institucijama Brčko distrikta Bosne i Hercegovine, propisano je da nosilac javne funkcije, za vrijeme obavljanja javne funkcije, ne može biti član skupštine, nadzornog odbora, organa upravljanja i rukovođenja, biti u svojstvu lica ovlaštenog za zastupanje, niti imati bilo kakav finansijski interes u obliku plate ili naknade, uključujući i pružanje ličnih usluga, u bilo kojem privatnom preduzeću, kojem su vlasti u BiH davale podsticaje, olakšice, donacije i grantove, uključujući i kreditna sredstva, u iznosu većem od 10.000,00 KM na godišnjem nivou, u periodu od četiri godine prije stupanja na dužnost nosioca javne funkcije, dok je u istom članu stav (2) Zakona propisano da nosilac javne funkcije podnosi ostavku na svaku od nespojivih, odnosno nedopuštenih funkcija najkasnije u roku od 3 dana od dana preuzimanja javne funkcije.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda člana 13. stav (1) Zakona o sprečavanju sukoba interesa u institucijama Brčko distrikta Bosne i Hercegovine, opisana pod tačkom 1. rješenja jer nosilac javne funkcije V. J. iz Brčkog, za vrijeme obavljanja javne funkcije obavljao je odnosno još uvijek obavlja i funkciju lica ovlaštenog za zastupanje, potpredsjednika/predsjednika [REDAKCIJA] Brčko distrikta BiH, osnovanog u skladu sa Zakonom o udruženjima i fondacijama Brčko distrikta BiH, a da se isto finansiralo iz Budžeta Brčko distrikta BiH tokom 2021. godine u iznosu većem od 10.000,00 KM, na godišnjem nivou. Nosilac javne funkcije je postupio protivno članu 13. stav (1) Zakona o sprečavanju sukoba interesa u institucijama Brčko distrikta Bosne i Hercegovine. Članom 13. stav (2) propisano je da nosilac javne funkcije ne može primati naknadu i poklone, kao lice ovlašteno za zastupanje, što nije ni utvrđeno u ovom postupku kod V. J. nosioca javne funkcije.

U predmetnom postupku nije utvrđivan sukob interesa, nego povreda člana 7. i člana 13. Zakona o sprečavanju sukoba interesa u institucijama Brčko distrikta Bosne i Hercegovine, kojim je propisano šta nosilac javne funkcije za vrijeme obavljanja javne funkcije, ne smije odnosno ne može raditi. Također u nadležnosti Komisije, nije utvrđivanje načina finansiranja [REDAKCIJA], nego finansiranje u smislu isplate iznosa iz Budžeta Brčko distrikta BiH navedenom udruženju.

Primjenom zakonskih odredaba na utvrđeno činjenično stanje, također je ocijenjeno da u konkretnom slučaju postoji povreda člana 7. stav (1) tačka a) i stav (2) Zakona o sprečavanju sukoba interesa u institucijama Brčko distrikta Bosne i Hercegovine, opisana pod tačkom 2. rješenja, jer nosilac javne funkcije, V. J. za vrijeme obavljanja javne funkcije, ne može biti lice ovlašteno za zastupanje, u privatnom preduzeću „[REDAKCIJA]“ d.o.o. kojem su vlasti u Brčko distriktu iz budžeta Brčko distrikta BiH davale podsticaje i olakšice tokom 2020., 2021. i 2022. godine u iznosu većem od 10.000,00 KM na godišnjem nivou. Članom 7. stav (2) navedenog Zakona propisano da nosilac javne funkcije podnosi ostavku na svaku od nespojivih, odnosno nedopuštenih funkcija najkasnije u roku od 3 (tri) dana od dana preuzimanja javne funkcije, što nosilac javne funkcije V. J. još uvijek nije učinio.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje vrste sankcije za nosioca javne funkcije koji postupi suprotno odredbama navedenog Zakona, dok su članom 39. Zakona propisane novčane kazne nosiocu javne funkcije koji postupi suprotno odredbama člana 5 do 17 Zakona.

Komisija je shodno članu 39. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona. Komisija je vodila računa o težini i posljedici povrede Zakona, kao i okolnosti da se radi o prvoj povredi odredaba Zakona od strane nosioca javne funkcije. Nadalje, Komisija je cijnila njegovo postupanje i odgovornost, ličnost nosioca javne funkcije, odnos imenovanog prema kršenju odredaba Zakona, te opredijeljenost i spremnost imenovanog da postupi u skladu sa Zakonom, te otkloni razloge koji su doveli do kršenja odredaba Zakona. Nosilac javne funkcije do donošenja ovog rješenja nije otklonio razloge koji su doveli do kršenja odredaba Zakona, čak ni nakon prijema zaključka o pokretanju

postupka. Nadalje, Komisija je cijenila i prouzrokovane posljedice nastale predmetnom povredom Zakona, kao i da se očito radi o takvom obliku kršenja odredaba zakona koje nisu nanijele štetu integritetu javne funkcije koju V. J. obavlja, te je Komisija stava da izrečena kazna za ovu vrstu povrede odredaba Zakona u potpunosti odgovara težini i posljedicama povrede Zakona. Imajući u vidu sve naprijed navedeno, odlučeno je da se izrekne novčana kazna obustavom dijela isplate mjesečne naknade po oporezivanju, koju nosilac javne funkcije prima za obavljanje javne funkcije odnosno ukupno 40% neto naknade kako je to navedeno u stavu (3) izreke rješenja i da ista u potpunosti odgovara težini i posljedicama povrede Zakona.

Kako u trenutku donošenja ovog rješenja nosilac javne funkcije i nadalje obavlja poslove suprotno odredbama Zakona o sprečavanju sukoba interesa u institucijama Brčko distrikta BiH, naloženo je nosiocu javne funkcije da u roku od 15 dana od dana prijema ovog Rješenja otkloni uzroke koji su ga doveli do povrede odredaba člana 7. i člana 13. Zakona, te da o tome Komisiji za odlučivanje o sukobu interesa bez odlaganja dostavi dokaze, u suprotnom Komisija će nadležnom organu za izbor i imenovanje odnosno Skupštini Brčko distrikta BiH uputiti prijedlog za razrješenje s dužnosti nosioca javne funkcije shodno članu 41. Zakona o sprečavanju sukoba interesa u institucijama Brčko distrikta Bosne i Hercegovine.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 39. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

#### POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik  
Komisije za odlučivanje o sukobu interesa

---

Admira Mujić, dipl. pravnik

#### Dostaviti:

1. V.J., [REDACTED] br. [REDACTED], Brčko
2. Internet stranici Komisije,
3. Evidenciji i
4. Arhiva.